

植

物

名

實

圖

攷

植物名實圖考卷之二十六

固始吳其濬著

蒙自陸應穀校刊

羣芳

紫薇

南天竹

萬壽子

春桂

蘭花

紅蘭

丁香花

棣棠

白棣棠

繡毬

八仙花

錦團團

粉團

錦帶

珍珠繡毬

野繡毬

美人蕉

鐵線海棠

翠梅

金燈

獅子頭

晚香玉

小翠

長春花

鬘子粟

野鳳仙花

龍頭木樨



紫薇

曲洧舊聞紅薇花或曰便是不耐癢樹也其花夏開秋猶不落  
世呼百日紅

南  
天  
竹



南天竹

夢溪筆談南燭草木記傳本草所說多端今少有識者爲其作青精飯色黑乃誤用烏白爲之全非也此木類也又似草類故謂之南草木今人謂之南天竹是也南人多植於庭檻之間莖如朔藿有節高三四尺廬山有盈丈者葉微似楝而小至秋則實赤如丹南方至多

按所述乃天竹非南燭

李衍竹譜藍田竹在處有之人家喜栽花園中木身上生小枝葉葉相對而頗類竹春花穗生色白微紅結子如豌豆正碧色至冬色漸變如紅豆顆圓正可愛臘後始凋世傳以爲子碧如

玉取藍田種玉之義故名或云此本是南天竺國來自爲南天竺人訛爲藍天竺人取此木置鳥籠中作架最宜禽鳥

甕牖閱評或云人家種南天竹則婦人多如余聞之舊矣未知其果然否向在江陰時有一曹檢法者其妻悍甚蓋非止妒也曹曾建一新第求所謂南天竺者將植於堂之東偏余是時偶到彼姑以所聞告之曹慊然應曰其果然耶余家今無是尙不能安帖况復植此感動之物乎余曰事未可知聊爲耳目之玩亦自不惡也曹曰耳目未必得玩而先潰我心腹矣則不如其已遽命撤去坐客無不笑之南天竹以其有節似竹故亦謂之



竹而沈存中筆談乃用此燭字不知何謂

梁程譽天竹賦序曰中大同二年秋河東柳惲爲祕書監譽以散騎爲之貳讐校之暇情甚相狎監署西廡有異草數本綠莖疎節葉膏如翦朱實離離炳如渥丹惲爲譽言西真書號此爲東天竺其說曰軒轅帝鑄鼎南湖百神受職東海少君以是爲獻且白帝云女媧用以鍊石補天試以拂水水爲中斷試以鄒風風爲之息金石水火洞達無闕帝異焉命植於蓬壺之圃其遺狀也然不如向時之驗矣譽怪斯言誕而不經

剛微而彰當其時也雷轟而騎翔

而泥藏豈特斯草也感而作賦





萬壽子

萬壽子湖北園圃中種之葉聚枝梢子垂葉下宛似天竹子爲

冬月盆玩

春桂



春桂

春桂卽山礬本名樛花黃山谷以其葉可染不假礬而成色故  
更名山礬或以爲瑒花殊誤宋人已辨之

蘭花



羣芳卷之三十六




蘭花

蘭花卽陶隱居所謂燕草李時珍以爲土續斷遯齋閑覽以爲  
幽蘭其種亦多山中春時一莖一花一莖數花者所在皆有閩  
產以素心爲貴俗以蜜漬其花入茶其根有毒食之悶絕茲圖  
不悉列

雩婁農曰離騷草木疏謂蘭可浴不可食閩蜀士云屢見人醉  
渴飲瓶中蘭華水吐利而卒者又峽中儲毒以藥人蘭華爲第  
一乃知甚美必有甚惡蘭爲國香人服媚之又當愛而知其惡  
也嗚呼蘭爲上藥豈毒草哉不識真蘭徒爲謗書皆緣以葉似

麥門冬者爲蘭而終不自知其誤誰實倡此謬言耶洪慶善云  
蘭草生水傍澤蘭生水澤中山蘭生山側似劉寄奴而葉無極  
不對生花心微黃赤格物洵微矣在山則山在澤則澤易地皆  
然豈殊臭味無稽之說舍旃舍旃



紅  
蘭

九

羣  
芳  
卷  
之  
三  
十  
六



紅蘭

邵陽縣志紅蘭生谷中每經野燒葉盡而花獨發俗稱火燒蘭  
花微赭瓣有紅絲心有紅點惟香淡而不能久 按紅蘭長沙  
山中皆有之葉厚勁而闊有光與春蘭異開花亦小都無香氣  
攷粵西偶記全州有赤蘭亭亭左右前後皆大松千章獨二松  
高大倍常松上生赤蘭如寄生葉似建蘭花開赤色香聞數里  
聞有上樹分其種者雷震而死其言近誕雖不知其色香何似  
然既有紅蘭一種則亦非曇花可比古木常爲神據粵俗尙鬼  
似此良多又南越筆記有朱蘭葉如百合開只一朵六出別


一種也

植物名實圖考

紅蘭

十

羣芳卷之三十六



丁香花

上





丁香花

山堂肆考江南人謂丁香爲百結花草花譜紫丁香花如細小  
丁香而瓣柔色紫蓓蕾而生 按丁香北地極多樹高丈餘葉  
如茉莉而色深綠二月開小喇叭花有紫白兩種百十朵攢簇  
白者香清花罷結實如連翹

棣棠

上

羣芳卷之三十一



棣棠

花鏡棣棠花藤本叢生葉如茶蘼多尖而小邊如鋸齒三月開  
花金黃色圓若小毬一葉一蕊但繁而不香其枝比薔薇更弱  
必延蔓屏樹間與薔薇同架可助一色春分剪嫩枝扞於肥地  
卽活其本妙在不生蟲螻 按棣棠有花無實不知其名何取  
其莖中瓢白如通草但細小不堪翦製


白棣棠



羣芳卷之三十六

白棣棠

白棣棠比黃棣棠花瓣寬肥葉少鋸齒又別一種



繡球

羣芳譜繡球木本皴體葉青微帶黑春開花五瓣百花成一朶  
團圓如球滿樹有紅白二種

武林舊事禁中賞花非一鍾美堂花爲極盛堂前三面皆以花  
石爲臺三層臺後分植玉繡球數百株儼如鏤玉屏

八仙花



五



八仙花

花鏡八仙花卽繡毬之類也因其一蒂八蕊簇成一朶故名八仙其花白瓣薄而不香蜀中紫繡毬卽八仙花如欲過貼將八仙移就粉團樹畔經年性定離根七八寸許如法貼縛水澆至十月候皮生截斷次年開花必盛昔日瓊花至元時已朽後人遂將八仙花補之亦八仙之幸也

錦團團

羣芳卷之三十六



錦團團


錦團團花如丁香數百朶成簇如繡毬

按廣西通志繡毬花

獨梧郡色猩紅如錦團團簇整齊瓣落而絳鈞如珠尙可觀疑卽

此

粉團



粉團

花鏡粉團一名繡毬樹皮體皴葉青而微黑有大小二種麻葉  
小花一蒂而衆花攢簇圓白如流蘇初青後白儼然一毬其花  
邊有紫暈者爲最俗以太者爲粉團小者爲繡毬閩中有一種  
紅繡毬但與粉團之名不相侔耳麻毬海桐俱可接繡毬 按  
粉團出於閩故俗呼洋繡毬其花初青後粉紅又有變爲碧藍  
色者未復變青一花可經數月見日卽萎遇麝卽殞置陰溼穢  
溷則花大且久登之盆盎違其性矣

錦  
帶

六

羣  
芳  
卷  
之  
三  
十  
六



錦帶

益部方物記萑萑其條若不自持綠葉丹英蔓衍分垂右錦帶  
花蜀山中處處有之長蔓柔纖花葉間側如藻帶然因象作名  
花開者形似飛鳥里人亦號鬢邊嬌

澠水燕談錄胸山有花類海棠而枝長花尤密惜其不香無子  
既開繁麗嫋嫋如曳錦帶故淮南人以錦帶目之王元之以其  
名俚命之曰海仙

珍珠繡球





珍珠繡毬

珍珠繡毬黑莖瘦硬葉有歧似魚鳧牡丹葉而小開五瓣小白  
花攢簇如毬

野繡球



野繡球

野繡球如繡球花葉小有毛開五瓣小白花攢簇極密而不圓

美人蕉

三

羣芳卷之三十六



美人蕉


楓牕小牘廣中美人蕉大都不能過霜節惟鄭皇后宅中鮮茂  
倍常益益溢坐不獨過冬更能作花

羣芳譜美人蕉產福建福州府者其花四時皆開深紅照眼經  
月不謝中心一朵曉生甘露又有一種葉與他蕉同中出紅葉  
一片者一種葉瘦類蘆箬花正紅如榴花日坼一兩葉其端一  
點鮮綠可愛者俱亦有美人蕉之名 按閩廣紅蕉並非北地  
所生美人蕉但同名耳余在廣東見之北地生者結黑子如豆  
極堅種之卽生



鐵線海棠

鐵線海棠花葉細莖似虞美人  
開花似秋海棠而大黃蕊綠心  
狀極柔媚





翠梅

翠梅矮科柔蔓開四瓣翠藍花而背粉紅如紅梅



金燈

金燈細莖袅娜葉如萬壽菊葉而細開五小瓣黃花圓扁頭有  
小缺如三葉酸葉



獅子頭

獅子頭卽千葉石竹花瓣極多開放不盡初開之瓣已披後開之瓣方長一花之上仰垂各異徒有縹麗殊乏整齊

晚香玉



晚香玉


晚香玉北地極多南方間種之葉梗俱似萱草莖梢夏發膏莢  
數十枚旋開旋生長開五瓣尖花如石榴花蒂而長晚時香濃





小翠

小翠柔莖長葉如初生柳葉開茄紫花如蠶豆花



長春花

長春花柔莖葉如指頗光潤六月中開五瓣小紫花背白逐葉發小莖開花極繁結長角有細黑子自秋至冬開放不輟不經霜雪不萎故名




鬻子粟

開寶本草鬻子粟味甘平無毒主丹石發動不下食和竹瀝煮作粥食之極美一名象穀一名米囊一名御米花紅白色似鶻箭頭中有米亦名囊子鬻粟殼去穰蒂醋炒入痢藥用

圖經鬻子粟舊不著所出州土今處處有之人家園庭多蒔以爲飾花有紅白二種微腥氣其實作瓶子似鶻箭頭中有米極細種之甚難圃人隔年糞地九月布子涉冬至春始生苗極繁茂矣不爾種之多不出出亦不茂俟其瓶焦黃則採之主行風氣驅逐邪熱治反胃胃中痰滯及丹石發動亦可合竹瀝作粥

大佳然性寒利大小腸不宜多食食過度則動膀胱氣耳南唐  
食醫方療反胃不下飲食鬻粟粥法白鬻粟米二合人參末三  
大錢生山芋五寸長細切研三物以水一升二合煮取六合入  
生薑汁及鹽花少許攪勻分二服不計早晚食之亦不妨別服  
湯丸 按鬻粟花唐以前不著錄開寶本草收入米穀下品宋  
時尚鬻粟湯但其穀粟功用僅止瀉斂爲洩痢之藥明時一粒  
金丹多服爲害近來阿芙蓉流毒天下與斷腸草無異然其罪  
不在花也列之羣芳




野鳳仙花





野鳳仙花

野鳳仙花生廬山寺庵砌石間莖葉與鳳仙花無異而根甚紫  
春時梢端發細莖開花紅紫亦如鳳仙花有細白蕊經歷數月  
喜陰畏日亦野花中之嬌豔者與滇南水金鳳同此生於山耳



龍頭木樺

龍頭木樺長沙園圃有之獨莖長葉附莖攢生似初生百合葉而柔秋開黃花如豆花有柄橫翹香如木樺故名